



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De eadem re. lxxviii.

**urn:nbn:de:hbz:466:1-10722**

nisi preoccupante morte tentauerit, pro temeritatis ausu ipse in se suæ damnationis protulisse sententiam manifestatur.

*Ut presbyter in sua plebe sine chrismate ire non debeat.* Cap. LXXIII.

**N**illum presbyterorū in plebe sibi commissa sine chrismate vnquam debere progredi: quia inter nos placuit semel in baptisate chrismani. De eo autem qui in baptisate quacunque necessitate faciente non chrismatu fuerit, in confirmatione sacerdotis perficietur.

*Ex cōcil. Vasensi, cap. 5.*

*De presbytero qui se deprehenderit non esse baptizatum.* Cap. LXXIII.

**S**iquis presbyter ordinatus deprehenderit se non esse baptizatum, baptizetur & ordinetur iterum, & omnes quos prius baptizauit.

*Ex cōcil. apud Cōpendium, cap. 5.*

*De presbyteris quomodo in cœna domini de chrismate, de oleo sanctificato, de oleo infirmorum facere debeant.* Cap. LXXV.

**V**t presbyter in cœna domini ampullas tres secum deferat, vnā ad chrisma, alteram ad oleum ad catechumenos inungendos, tertiam ad infirmos iuxta sententiam apostolicam, vt quando quis infirmatur inducat presbyteros Ecclesiæ, &c.

*Ex cōcil. Meldensi cap. 1.*

*De eadem re.* Cap. LXXVI.

**P**resbyteri qui diocesanas Ecclesias regunt, non à quibuslibet episcopis, sed à suo, nec per iuniorem clericum, sed per seipso, aut per illum qui eiusdem ordinis sit, ante Paschæ solennitatem chrisma petant.

*Ex cōcil. apud Valentias, cap. 2.*

*De eadem re.* Cap. LXXVII.

**V**t nemo episcoporū, vel quilibet minister Ecclesiasticus, propter sacrum chrisma aliquid muneris accipiat, neque denarios, vel quælibet munuscula, quæ per ministros episcoporum, à presbyteris inordinabiliter exiguntur.

*Ex cōcil. Meldēsi, cap. 5.*

*De eadem re.* Cap. LXXVIII.

**P**er singula territoria presbyteri vel ministri ab episcopis nõ prout libitum fuerit à vicinioribus, sed à suis propriis per annos singulos petant chrisma, appropin-

*Ex cōcil. Vasensi, cap. 10.*

quante solennitate Pascali, nec per quemcunque alium quam per seipfos, aut per vicarios eiusdem ordinis: quod inhonorum est: inferioribus summa committi. Optimum autem est, ut ipse suscipiat, qui in tradendo vsurus est.

*De presbyteris qui pro accipiendo chrismate ad ciuitates venire solent.*

*Caput LXXIX.*

*Ex cōcil. Meldēsi. cap. 6.* **D**E presbyteris, qui accipiendi chrismatis gratia ad ciuitates in cœna domini venire solliciti erant, sanctitudo est, ut de his qui longè positi sunt, de octo vel decem milibus ab archidiacono eligatur, qui acceptum chrisma sibi & sociis diligenter perferat. Hi verò qui non longius à ciuitate quam quatuor aut quinque milibus habitant, more solito ad accipiendum chrisma per se veniant. Discendi vero gratia, alio non Quadragesimali tempore ad ciuitatem committentur, propter plebes sibi commissas.

*De chrismate quòd semper sub sera esse debeat.*

*Cap. LXXX.*

*Ex cōcil. Turonē. cap. 3.* **P**raterea & illud omnimodis obseruandum est, ut factum chrisma, & oleum consecratum semper sub sera sit, ne illud vnde Christo incorporamur, & vnde omnes fideles sanctificantur, vnde reges & sacerdotes inunguntur, aliquando infidelis, aut immundus tangat, aut aliquis perfidus ad diuini iudicium subuertendum surripiat, quòd experimento didicimus.

*De Iudæis quomodo ante baptismum examinari debeant.* *Cap. LXXXI.*

*Ex cōcil. Agatēsi cap. 35.* **I**udæi quorum perfidia frequenter ad fomitem redierunt, legem catholicam venire voluerint, octo menses inter techumeno: Ecclesiæ limen introeant, & si pura fide veniunt, tunc demum baptismatis gratiam mereantur. Quòd si casu aliquo periculum infirmitatis intra præscriptum tempus incurrerint, & desperati fuerint, baptizentur.

*De Iudæis ut nullus eis vim ad credendum debeat inferre.* *Cap. LXXXII.*

*Ex cōcil. Tolerā. cap. 57.* **D**E Iudæis autem hoc præcepit sancta synodus. nempe deinceps ad credendum vim inferre. Cui enim vis Deus miseretur, & quem vult indurat. Nō enim tales in salutem saluandi sunt sed volentes, ut integra sit forma iustitiæ, sicut homo propria arbitrij voluntate serpenti obediens.